

M081B: Seckauer (St. Lambrecht) Gebete B

0,3 So dv daz opher genemst so sprich
0,4 Ich bitte dich herre dvrch die wihe vnde di liphaftige
0,5 vnd di ewirdigen tovgen . vnd dvrch di michelen
0,6 chraft dines heiligen lichnamen . vnd dines heren blvot .
0,7 daz vns taegelichen wortet . vn- trenchet . daz vns levert
0,8 vnd raeinet . vnd vns hailich machet . vnd vns tailnvftich
0,9 machet . der ewigen gotheit . Gip mir here deine heilige
0,10 tvgende . erwille mein herze mit den waren tvgenden daz
0,11 ich mit leichtem sinne vn- mit luterem herzen gen mvze
0,12 ze dinem tische . vnd ze dinem vronem altare . daz ich
0,13 dich himelisches hailchtvm also enphahen mvze daz ez
0,14 mir werde ein warez hail . vnd der ewige lip . wande
0,15 dv vns herre also gehaeizen hast .
0,16 “Daz prot daz ich gip daz ist mein flaisch vnd min
0,17 blvot dvrch dirre werelt leben der mich izzet der lept min
0,18 ’ ist in mir . vnd bin ich in im .”
0,19 Aller brote svzist haile den gyten meines herzen .
0,20 daz ich mein werde . vnd verste der svze diner minne .
0,21 haile herre min . herze von aller slachte sere . daz
0,22 mir nicht smerze oder svze si . wande dv aine aller brot
0,23 wizest . dv hast die ewigen svze . vnd den hailigen
0,24 smach . dv vns ze allen ziten azest . vnd dein doch nimer
0,25 zerinnet mein herze mvze dich ezzen mit der svze dines
0,26 smaches . werde mein herze vn- mein sele erwillet vnd
0,27 gesatet .
0,28 dich izzet der engel mit vollem munde . der ellende
0,29 mensche izzet dich . al nach seiner chrefte . daz im nicht
0,30 gepreste an dem wege . dirre wore sol er leben .
0,31 Hailiges brot lebendes brot dv vns chome von himel
0,32 vnd gist der werlt den ewigen leip chvm in mein herze
0,33 vn- geraine mein herze . vnd mich . von aller slachte . vbel .
0,34 des flaisses vnd des gaistes . chvm in mine sele . vnd mache sei
0,35 hailich . haile sei vzen vnd innen . wis mein hvote vnd mein
0,36 beschirmunge wis ein ewiges hail . meines liebes vn-
0,37 mein’ sele . vertreip here von mir die veinde . die mir
0,38 lagente sein vertreip si herre von der gagenworte mein’
0,39 rewe daz ich vzen vnd innen . also bewart sei daz ich
0,40 an de- rechtem wege . den dv vns vor gige volchom

0,41 hin ze deinem riche . da man dise heilicheit nicht beget
 0,42 alsa- hie . mit tovgenlichen dingen svnder da wir gesehen
 0,43 schvlen mit vnseren ovgen . dein antlvze da wir
 0,44 dich schowen wertlichen also dv bist so dv herre vat'
 0,45 vn- got in deinem riche gesizest . so dv s herre alles wirst
 0,46 i- vns allen vn- dv erscheinest in uns . vn- dv vns alle
 0,47 uerwandelst an dich . so gesattest dv mich dein . mit ain'
 0,48 wnderlichen svze . so bin ich sat von ewen ze ewen .
 0,49 so en durstet noch hvngert mich nim' mere . aMeN .
 0,50 Lamp des almaethtigen . vaters dv da chome vo-
 0,51 himele . vn- beneme d' werlt ir svnde benim . herre von
 0,52 mir mein vnrecht vn- mache mich des wert daz ich
 0,53 gezalt w'de vnd' dinen mageden vn- hilfe mir daz
 0,54 ich hevte deinen hailige- lichnam- enpha mvoze nicht
 0,55 ze ain' florenvsse vn- z ainer vertailvnge . svnder hilf mir
 0,56 dvrch wille- miner vrowen sc-e MaRien . vnd aller din'
 0,57 hailigen . daz ich in enphahen ze antlaze meiner svnde .
 0,58 Mein vrowe sante MaRie mit allem himilichen here .
 0,59 sei mir wegende daz mir vil armer vnde bewollener
 0,60 mit michelen svnden . dire here leichenam vnde dize vrone blvot .
 0,61 werde ain erzentvom . vnd ain antlaz aller meinen svnden .
 0,62 Lebentigez prot der engele . liecht vnd lebn der
 0,63 werlt . herre christ erlevchte die vinst' meines herzen
 0,64 daz dirre here lichnamen vnd dein hailigez plvot sei mir
 0,65 ein hail . vnd ain licht meines leibes vnd mein' sele .
 0,66 Herre hailant . christ hailaere aller diete . erlosare
 0,67 dirre werlt . dv bist ain baremherze gnadare . vnd minnare
 0,68 alles manchvnes . dv hast gnvoch dike vertragen . meine
 0,69 schvlde vnze her nv lob ich dich herre vnd ger einval'techlichen
 0,70 din' gnaden . daz dv mir rvchest ce helfen
 0,71 dvrch willen aller dein' hailigen . daz ich mit dirre engelischen
 0,72 woure vnd mit disem himelischem brote daz ich
 0,73 heute gerne enphahe daz ich da mit erwerven mvoze den
 0,74 ewigen leip am- .
 0,75 Herre got erbarme dich vber mich . dvrch die heren
 0,76 gebvort dines svnes vnseres herren ihv xpi . daz er geboren
 0,77 wart in dise werlt . von sante MaRien . allem manchu-ne
 0,78 ze troste dvrch die selben gnade . v'tilge herre
 0,79 allez mein vnrecht . vnde brich mich ze den ewigen
 0,80 wunnen . da er vns geladet hat . mit seiner marter vnd
 0,81 mit seinem tode .
 0,82 Ich bitte dich herre dvrch die vronen tovgen deines
 0,83 heren leichnamens . vnd deines blvotes daz dv meinen leip
 0,84 vnde mein herze nevwest vnde rainest gib mir daz ich
 0,85 mit disem heren lichnamen in dir beleiben mvoze . vnde
 0,86 dv in mir verleich mir herre . daz ir an meiner hinverte .
 0,87 von disem enellende . deinen heren lichnamen vnd dein
 0,88 hailigez blvt . verdinchlichen enphahen mvoze . daz si mir

0,89 sein ein licht vnd daz lihtvaz der wech . vnde der wegewist
0,90 der levtaere vnde svze geverte der wirt vnde der
0,91 herbergaere .
0,92 Heiligez opher herre got dv hast dev wort dev
0,93 des ewigen leibes wir wizen vnd erchennen da dv bist der
0,94 hailige christ d' ware gotessvn .
0,95 So dv daz opher genemst so sprich .
0,96 nv sich ich herre des ich ie gerte . des mein herze
0,97 ie gerte . daz han ich dein hailigez flaisch . vnd dein
0,98 blvot . han ich enphangen . willechomen aller phlaisch herist
0,99 aller ezen suzist . willechome- himeliches tranch .
0,100 svze des ewigen leibes . Dein fleisch hat enphangen mein sele .
0,101 nv uerwandel mich herre nach dier hailiger christ want
0,102 dv daz rechte leben bist deinen leichnamen mvoz ich behalten
0,103 rainchleichen daz gip dv mir ewechleichen . er
0,104 gervche wonen hie ze mir . daz er gehvldige . vnd gehailige
0,105 mich dir AM- .
0,106 Ich han gaz deinen lichnam- ich han getrvnchen
0,107 dein blvot ich bin mit dem leichnam- enbizen d' an
0,108 de- chrevze erhangen was ich han getrvnchen daz blvot .
0,109 daz voz christes seiten floz .
0,110 Ich sage dir lop vnd gnade herre . daz dv mich
0,111 svntaringe- gehailet hast vnd . gerainet hast vn- mit
0,112 dein selbes uerhe vn- bitte dich herre . daz mich disev heiligev
0,113 wirtschaft erlose von des leibes angesten . vnde uon dem
0,114 ewigen tode . un- brich mich zv den die da sten schvlen
0,115 ze dein' zeswen an de- ivngistem vrtail da wir alle
0,116 gestalten schvlen vor dier vbel vnde gvote . da wirt den
0,117 vbelen ertailt . svebel vn- vivr . da geist dv herre den
0,118 seligen dich selben ze lone . dv wirst selbe ir leben
0,119 zv dir wirt v'wandelt ir herre vnde ir sin da sament sich
0,120 die sele vn- daz flaisch . daz tvot des ewigen gotes geist
0,121 der machet sei lvter vnde raine . si ne wizzent noch en
0,122 minne-t nicht wan dich ainen mit dir ist erwillet dev sele
0,123 vn- der lichnam . so wirt daz flaisch dem gaiste gehorsam .
0,124 herre got so gedenche mein dvrch ere deines flaisches . vn-
0,125 deines blvotes . dem ich hevte gemainet han . so v'wa-del
0,126 mich herre in daz ewige leben . daz du imermere in mir
0,127 beleibest vnd ich in dir dv bist selbe der ewige leip mit
0,128 deinem hailigem gaiste u'wandle mich vil armez wip .
0,129 daz ich frolichen mvze gen in die himelische ierusalem
0,130 vn- mit den erwelten im' leben . in den gnaden da ich
0,131 dich ewechlichen sehe . Amen .